

## REPUBLIC OF KIRIBATI



**s21, 37(3) Disaster Risk Management and Climate Change Act 2019**

**2, 16, 17, 18, 19, 20 Public Health Infectious Disease Regulation**

### CURFEW ORDER

Ngai, **Te Beretitenti, Taneti Maamau**, iaan mwakau are l a tia n anganaki man te tua ae Disaster Risk Management and Climate Change Act ao Public Health Infectious Disease Regulation ao l kanakoa te tua aio ibukin waaki ake a riai ni iraki karaoaia iaon Tarawa ieta, Maiana, Abaiang, Marakei ao Abemama ni kaineiti ma Alert Level 3 n aron aikai:-

1. Kainan te nakonako imarenan te aoa 6 n te bakantaai ni karokoa 6 n te moaningabong nte bong are imwina.
2. Ana tabo ni mwakuri ma ana kambwana te Tautaeka ana bane n in ao ni waaki ni mwakuri man mwengaia, ma a na bon tii uki taabo ake a rangi ni kainanoaki ibukilia te botannaomata n aron aikai:

- Ana Aobiti te Kauntira
- Te On Aoraki ke Kiriniki
- Te Ikotaki ni Bureitiman
- KOIL ao taabo ni bwaa ao gas stations
- Bitineti ake a kaboonakoi amwarake ma mooi
- Oceanlink ke Vodafone (Taan mwakuri ibukin te itoman/reitaki)
- Bao ni mwamwananga i taari ao kibakiba

Te Red Cross

Te KFHA

3. Ao tabeua riki rabwata ake e bon noori riaina te Tautaeka ma te Kauntira bwa a na riai n uki n tain naba te kainiin ae imwaaira aei, ma ana riai moa ni karekea ana kariaia Te Kauntira.

4. Bitineti n aroia wholesalers ao titoa (retailers) ake a kabonakoi amwarake ao bwainaoraki a na teimatoa n uki ibukin te botanaomata imarenan te aoa 6 n te ingabong ni karokoa 6 n te bwakantaai. A na riai naba n tarai bwa e na iraki nanon te tau raroa ae 2 mita, rabunan te ubu ao kainibaire riki tabeua man te MHMS inanon ao itinanikun aia titoa n taai nako.

5. Aomata nikabane a na riai n tiku iaan mwengaia ao n aki nakonako – a na bon tii kona n nakonako rinanon aia kaawa ibukin karekean kainano aika riai n aron kabooan te amwarake, te bwaa, te karatiin ake a na riai ni katiai man 6am n te ingaabong ao 6pm n te bwakantaai.

6. E uki te akawa imarenan te aoa 6 n te ingabong nakon 6 n te bwakantaai ma bon tia man taan karaun ke taan akawa iaon te booti ae a kariaiakaki. E taburoroko bwa ana aerake n abamakoro riki tabeua ma bon ti te tabo are a mwananga mai iai.

7. A na kona n buti bai ni mwamwananga ma a na riai n tarai bwa e na kabonganaaki rabunan te ubu iaon aia bao, te aki babaware ao ongiran te bwairi, e na uki taian winto ni kabane, a na akea te itobwatobwa ao te tei iaon te bao ni mamangana.

8. Reirei ni kabane a na bane n in ni karokoa banen te namwakaina aio.

9. Taabo ni mooi nangkona, mooi manging ao taabo n takakaro a na bane n in.

10. Bobotaki nako ni ikitaki ma taromauri a na kona ni waaki n aki raka iaon 20 te aomata ao a na boo itinaniku ao n ira tuan te tau raroa ae 2 mita, rabuna te ubu ao e na raoiroi butin ke ukin te ang iai.

11. Te nako n te onnaoraki ma kiriniki a kariaikaki ni kaineti ma ana kainibaire te Botaki ibukin te Mauri ao Katoki Aoraki.

12. Mwamwanangaia kaibuke ao kiiba a bon kaukaki ibukin karokoan te bwaa, bwaai n aoraki ao kaako nako aonaba ri taari ao n te kibakiba ma akea bwatintia ae kariaiakaki n roko man abamakoro riki tabeua nakon aba aikai. Bon ti bwatintia n nako Tarawa ake a bae abamakoro aikai ae a na kariaiakaki n toka n oki nako Tarawa ma a na riai n ira naba nanon te kainibaire ibukin te mwamwananga.

13. E na toki te mwamwananga imarenan abamakoro aikai ma abamwakoro nako.

14. A kabaeki bureitiman ao ana taan mwakuri te Kauntira ake a tia n mwiokoaki bwa a na tara nanon te oota ao te Regulation ao ai babaire riki ake a na kaotinakoaki imwina'ba e na bane n iraki nanoia irouia aomata.


15. Babaire riki tabeua irarikin aikai aika a katawe man kawaekoaki karaoakiia a na kona ni bon ti tuangaki naba bureitiman ao ana taan mwakuri te Kauntira ake a mwiokoaki bwa a na karaoa nanoia ni kaineti ma taabo tabeua ke aomata ke mwakuri nako ao a mwaiti riki ake a noraki riaina ni karaoaki ibukin kakoroan nanon te oota ma te Regulation aio.

16. Aki iran nanon kaetieti aikai bon uruan te tua ao a na kona bureitiman ni katikiko ao ni kamatawarikiko. Ibukin buokan te matata ao uruan nanon kainibaire ake inanon te Regulation are bwebwerake ma iai te kaetieti aio bon te bure naba iaan te tua.

17. Ngkana iai te kaokoro ke te aki matata n te kaetieti ae koreaki n te taetae n Kiribati aio ma te kaetieti are koreaki ke n rairaki nakon te taetae n Imatang, ao ena riai n iraki nanon kaetieti aika a koreaki n te kaetieti n Kiribati aio.

18. Te tua ibukin abamakoro aikai e na moa bwainakina n te bong aei 18 n Beberuare n te aoa 6 n te moaningabong ni karokoa 4 n Maati 2022 n te aoa onoua n te moaningabong.

Dated 17<sup>th</sup> February, 2022



**HE TANETI MAAMAU**

**TE BERETITENTI**

Printed by exhibition at the Office of Te Beretitenti on 17<sup>th</sup> February 2022.



**DR. NAOMI BIRIBO**

**SECRETARY TO THE CABINET**